



分板仔

講著「打醮墓」、「分醮墓」、或者有人講个「分借問」這隻詞彙，現下个人怕較難想像理解。毋過，佢還記得，記得自家做細人仔時節看人掛紙，跔陣去攞人「分板仔」个頭擺。

頭擺在苗栗，大家都係正月十六掛紙。吾姐公厥羅屋个來臺祖風水還在茶園坪，既經徙到北部、花蓮个房族，一年一擺會跔工轉來共下掛紙。想像，佢兜天官光就愛擲等牲儀、赴盡早个車枋來掛紙，就感想得著佢兜个誠意。

掛紙，係共姓人、男仔人正有擎香个資格，攞外姓人、細妹人無麼个關係。係這個外姓人、細妹甥仔，就跔等細人仔陣，等人掛紙掛好、打紙炮仔該下，排列仔去攞人分板仔、尋無打貳个紙炮仔搞。成時，無分著發板个細人仔，大人還會撈隻五角抑係一個銀个銀角仔分佢去買糖仔，總會分大家鬧熱、分大家歡喜。

分板仔，愛去到大戶人家，正有好恁捨得？該乜無定著。異多人家都異肯分發板、發糖果分來鬥鬧熱个人，細人仔陣乜無講固定就掌等哪家人掛紙。有人講，分板仔分人做得旺家族呢！屋下个大人也毋會罵佢兜去攞人分板仔个細人仔，無定著，恁樣細人仔較好畜哦！該係一種「分享」个時節。

係講客家人較好展，該乜怕毋係。記得頭過，佢係買較派頭、較貴个衫來著，吾姆還會罵佢「毋知見笑！」攞現下人無錢乜愛買一身「名牌」，放到網路分人看个想法，全全無共樣。掛紙時節分板仔分人，也無麼个好展，應該係一種篤實个想法，做得感謝歇在塚埔附近、不時攞恩搵手掌等這門風水个人，又毋使擲到重鈞鈞仔轉到北部抑係花蓮。

「分板仔」，係去攞人討？像乞食樣仔？乜毋會。頭擺人，怕係較自謙，分人東西，愛「兩隻手拿分人」；問人名姓，會「拜問上姓」。故所，去攞人分板仔个時節，感覺著个，係一種分享个快樂，毋會有當瀉、攞人討著來个感受，因為分板仔分人个人家總係自謙有禮个。顛倒，係今這下个人，有兜比佢較老个，自謙喊佢「彭先生」；有兜比佢較後生个，沙鼻碌碌仔喊佢「阿珠仔！」，正係害佢呆貳！在人个名仔後背加「仔！」，毋係親切呢，係講你比佢較大！佢記得，人，係「自謙」，好過「自大」。

自謙係一種美德、篤實係一種美德、分享乜係一種美德，客家人个山園肚頭擺就有，佢還記得。記得，該係山園肚人同人之間个交流；記得，該係對「祖德流芳」个想望。

作者：彭瑞珠

☆詞彙學習☆

- 【打醮墓】da` zeu mu：到墓地分取祭品。 【糖果】tong` go`：供祭拜用的糖果及水果。
【跔陣】ten` ciin：跟著群眾、隊伍。 【重鈞鈞仔】cung` dem` dem` e`：沉甸甸的。
【外姓人】ngoi xiang ngin`：異姓的人。 【當瀉】dong` xia：很丟臉。
【細妹甥仔】se moi guai` e`：小丫頭。

☆文法學習☆

【怕……】pa：可能、或許。表示猜測、揣想。

例 1：你怕會赴毋著哩啲，愛較遽手兜仔。（你可能要趕不及了，動作要快一點。）

例 2：吾頭那昂昂，怕係血壓擎起來。（我頭暈，大概是血壓高起來。）